

Emisioni investigativ Fiks Fare ka transmetuar një filmim ku shihet ish-ministri Dritan Prifti në zyrën e tij dhe [zv/kryeministri Ilir Meta](#) në një bisedë ku përmenden tendera, emra dhe shifra me përqindje.

Populli shqiptar e ka keqkuptuar këtë video duke menduar se Ilir Meta qenka i përfshirë në korrupsion.

E vërteta është se meqënëse Dritani e ka mbiemrin Prifti, [zv/kryeministri](#) ka shkuar shpesh për tu rrëfyer pasi punët e qeverisë nuk i lënë kohë Ilir Metës të shkojë në kishë.



Por mesa duket perversi Prifti i paska filmuar fshehurazi këto rrëfime dhe tani duke thyer kodin e rëfimit i cili duhet të ishte i shenjtë për cdo Prift.

Kreu i Vatikanit Papa Benedikti i ka shprehur [Këshillit të Ministrave.org](#) indinjatën e tij të thellë ndaj ish-ministrit Prifti i cili nuk ka respektuar kodin e ruajtjes së fshehtësisë së rrëfimit.

Ato që fliten brenda zyrave shtetërore, janë punë qeverie dhe nuk duhet të dalin jashtë zyrave.

Publikimi i kësaj videoje rrezikon të trondisë globalisht besimin fetar. Besimtarët kudo në botë ndihen të frikësuar ndaj këtij veprimi të papërgjegjshëm, pasi ata kanë frikë të shkojnë të rrëfehen pasi ndonjë Prift i pandershëm mund ti filmojë dhe ti nxjerrë në YouTube.

Vatikani i ka kërkuar [kryeministrit Berisha](#) të marrë masa ndaj autorëve të filmimit pasi në video ishte përmendur edhe fjala “doktor”.



Papa Benedikti këshilloi [Këshillin e Ministrave.org](#) të veprojë shpejt para se priftërinj të tjerë të qeverisë të publikojnë edhe filmime nga vizitat tek Doktorët.